

DIWAR BENN AN ELECTIONOU KENTAN.

HARZ AR BLEIZ HAG AL LOUARN

War don ar Seiz skient naturel, pe eun all



Pa 'welau krag-Otrone a bep tu dic'houanet,
Ho chupen verr, ho bragou war ho c'hofti-kar péget,
O c'hadan en Breiz-Izel peb-unan he ali,
Perag ne larfenni-me ket, me Breton ina c'hini ?

N'eo ket awalc'h, Otrone, vel piget en eur c'hood,
N'eo ket d'ac'h lampet ha goude gragaillad :
Eur zell, hep-ken, eur zellik war an treo tremened,
Ar pez hoc'h euz-hu gret dec'h, arc'hoaz en adrëfet.

Hirie a zo pevar bla a oa tanet ar vro,
Dre oll, Breiziz, a ruille ho koad a boulado ;
Nag a diadou zéder gand ar brezel karzet,
Nag a potr vad hep-eom war-zu Franz strahinet !

Nag a vammou a wéliz ho fenn war ho barlen,
En-tal an tan azéct o oélan ho misien,
Ho bugale ruillet en tachen ar brezel,
Pe marvet pell diouz ho mamm, diouz ho bro Breiz-Izel !

Leret : piou 'zo bet kiriek da gement a daelou ,
Piou en euz ker kaer béget karrigel an Ankou ?
Mar n'en eo **Napoleon**, leret d'he vignoned
Diskouen skler ar wirione : neuze voingt chileouet.

Mar deu gant-he ho friou da vénel war ar gleut ,
Bet sur dimeuz ma c'homjou na reint kalz a steud :
Reit eta d'an **Duk ar Feltr**, pøtred vad Breiz-Izel ,
Reit ho moejou, mar keret , — ha goude **d'ar brezel** !

Mar 'zo c'hoaz tud kalonek dindan lagad an de ,
Man 'r Vretoned da gentan, ann ell 'oar kement-ze ;
Stourm a reont pa ve ret, ha pa 'de fuzuillon ,
Mez n'oullont ket 've zavet brezel war benn kojou :

Nan, n'oullont ket 've zavet brezel war benn kojou ,
Ha kouskoude, **Bonaparte** en grez liez gwechou :
Ar wech diwean gant-han en kreiz an tan boutet
Ar zoudard 'zo bet dewet , hag én 'zo 'n em dennet.

Mar 'red c'hoaz 'n ho koaziou goad ar Vretoned koz ,
Evel-d-on war an *treitour tollet* ho oll valloz !
Pell awalc'h en euz *goadet NAPOLEON* ar vro.....
Foei , foei d'he oll vignoned , foie d'ho vrézégenno !!

Gwir eo en-pad ugent vla ec'h omp bet évuruz ,
 Dindan han d'al labourer ar werz oa talyouduz ,
 Mez aboue m'en euz tenet bleiz ar Pruss en hon bro ,
 E renkomp kas da Baris lod vraz deaz hon mado.

Ar Franz moustret didrue gand Soudardet Guillo ,
 En-pad eur bla hon mibien kousket en tachenno ,
 Broiou kaer, *pemp mit iard* gant Bismark d'imp lonket ,
 Chetu ar pez 'n euz kou stet uget vla 'eurusted !

Breman, Potred vad Conli, leret, en herr-gomzou ,
 Piou a deu gand Duk ar Feltr da gestal ho moejou ?
 En KERFANK, a lar an dud, oa officer barwek.
 Ha didan ar Republik préfet en San-Briek ?

Ia, pemzek de ec'h eo bet mestr al louzouerien
 A oa karget en Kenli dimeuz ar glanvourien :
 Mez lavar d'in, Breton mad, hag en c'henz-han gwélet
 Aliez'tal ar gwélé lec'h ma oaz gourvét ?

Gwéchall goz ec'h ansave Bonapart da vignon ,
 Pa 'n eo kouet an Impalaer en deuz chanchet a zon ,
 Breman eo Republikan ha Republikan ru :
 Exit bean tra benag, eo ret d'ehan chanch tu ,

Ar Chont Foucher a Gareil a zo Republikan,
 Mignon braz da Chambetta , klevet, braz ha bian !
 Mignon braz da CHAMMETTA an hini hon voutaz ,
 Hon voutaz oll en Couli da verval *evel chas* !

Conli ! o gwasan tachen , gwasan bro a c'hlac'h ar !
 Nan, biskoaz na oe gwelet gwasoc'h war an douar !
 Gant HON MAMM **ar Republik** oa choazet da verred ,
 Evid-omp-ni, tudou kez, evid-omp, Bretoned.

Gant potred ar Republik Paris 'zo bet tanet ,
 Hag ar palejou kaeran heb-eom diskaret ;
 Piou a beo adzevel, pa vo red en ober ?
 Piou ? An dud a boau arre, ar paour kez labourer .

Evit ar Chont a Gareil, votet breman, tudo ,
 Pe 'n eo gwir na c'houlan den votan vit-han 'n he vro !
 Evit-me na c'houlan tam bean diou wech tapet ,
 Na gant lern ar Republik, na gant Bonaparterd.

N'hon na kure, na person, na mu potr ar Roue ,
Breton 'on ha d'eur Breton a roïn ma mouez ive ;
KERJEGU eo he hano, eur c'hoz voraer diskui ,
 Hag a laro pez 'zo gwir da botred fin Paris !

Chetu aze ma sonj-me dira-z-oc'h digoget ,
 Mar kevet gwell, kemerk ar gwell-ze, Bretoned ;
 Evid-ze na fachin ket, bepred'karin ma Bro ,
 Hag evit-hi ec'h in c'hoaz gan-hac'h d'ar brezelio !

JANN C'HOUER.